



ГАЛТ ТЭРЭГНИЙ ХӨДӨЛГӨӨН ЗОХИЦУУЛАЛТЫН НЭГДСЭН ТӨВ



E-NEWSLETTER

- [f facebook.com/Rtcc.mn](https://facebook.com/Rtcc.mn)
- [g http://rtcc.mrtd.gov.mn](http://rtcc.mrtd.gov.mn)
- [✉ info@rtcc.mrtd.gov.mn](mailto:info@rtcc.mrtd.gov.mn)
- [☎ +976 77244409](tel:+97677244409)

ҮЙЛ АЖИЛЛАГААНЫ ТОВЧ ТАЙЛАН

2022 оны 10 дугаар сар

Мэдээ, мэдээлэл



Төв нь ШУТИС-ын мэдээлэл, холбооны Технологийн сургуультай хамтран ажиллах санамж бичиг байгууллаа

ГТХЗНТ нь төмөр замын салбарт мэдээллийн технологийн чиглэлээр хамтын ажиллагааг бий болгож, тогтвортой хамтын ажиллагаа бүрдүүлэх, харилцан мэдээлэл солилцох зорилгоор төрийн болон хувийн хэвшлийн байгууллагуудтай хамтын ажиллагаагаа өргөжүүлэн хөгжүүлсээр байна. Энэхүү ажлын хүрээнд 2022 оны 10 дугаар сарын 20-ны өдөр ШУТИС-ын Мэдээлэл, Холбооны Технологийн Сургуультай хамтын ажиллагааны санамж бичиг байгууллаа. Хамтран ажиллах санамж бичиг байгуулнаар:

- ГТХЗНТөв нь “КОЙКА” ОУХАБ-тай хэрэгжүүлж буй төсөлд хамтран ажиллах;
- Төмөр замын салбарт галт тэрэгний хөдөлгөөний аюулгүй байдлыг хангах, бодит цагийн мэдээллийн систем судлах, хөгжүүлэх, турших, нэвтрүүлэх чиглэлээр хамтран ажиллах;
- ШУТИС-ын судалгаа, шинжилгээний багийн “Ачааны галт тэрэгний хяналтын утасгүй сүлжээний системд зориулсан хосолсон энерги хуримтлуулагчийн хөгжүүлэлт” судалгааны ажилд дэмжлэг үзүүлэх зэрэг олон чиглэлээр үйл ажиллагаагаа явуулах юм.



Мэдээ, мэдээлэл




"Төмөр замын тээврийн салбарын статистик мэдээний нэгдсэн санг бүрдүүлэн ажиллаж байна.



Төмөр замын суурь бүтэц эзэмшигчдийн тээвэрлэлтийн мэдээг III-р улирлын байдлаар нэгтгэн боловсруулж албан бичгээр төрийн захиргааны төв байгууллагат, YСХ-нд цахимаар хүргүүлж ажилласан.

2022 оны 9 дугаар сарын ачаа тээврийн статистик мэдээг Чингэлэг тээвэрлэлт, тээвэрлэсэн ачаа, ачаа илгээлт, зогчиг тээвэрлэлт, суурь бүтэц эзэмшигчдийн тээврийн үзүүлэлтийг харуулсан инфографикийг сар бүр гарган төвийн удирдлагууд болон ЗТХЯ-ны сайдын шуурхай хуралд тогтмол танилцуулан, олон нийтэд сурталчилан ажиллаж байна.

Төмөр замын байгууллагууд харилцан мэдээлэл солилцох журмыг хэрэгжүүлж төмөр замын салбарын мэдээллийн нэгдсэн санд бүрдүүлэх, хөтлөх, боловсруулах, ашиглах үйл ажиллагааг хариуцан ажиллаж байна. Төмөр замын тээврийн салбарын статистик мэдээллийн нэгдсэн санд хоногийн 1550, 7 хоногийн 80, сарын 100, улирлын 60 мэдээ бүрдүүлэн хөтлэж, боловсруулах ажлыг хийж гүйцэтгэсэн.



Ажлын хэсэг



“RAILWAY MONGOLIA-2022” ҮЗЭСГЭЛЭНГ АМЖИЛТТАЙ ЗОХИОН БАЙГУУЛЛАА.

Төр, хувийн хэвшлийн суурь бүтэц эзэмшигчид, төмөр замын тээвэрт оролцогч байгууллага, үндэсний бүтээн байгуулагч компаниудын уялдаа холбоо, түншлэлийг сайжруулах, салбарын үйл ажиллагаа, бүтээн байгуулалтыг сурталчлах, хамтын ажиллагааг шинэ түвшинд хүргэх зорилготой 2022 оны 10 дугаар сарын 06-ны өдөр Монголын Худалдаа Аж Үйлдвэрийн их танхимд “RAILWAY MONGOLIA-2022” анхдугаар үзэсгэлэнг зохион байгуулсан. Үзэсгэлэнд нийт 24 байгууллага оролцон үйл ажиллагаагаа сурталчилсан.



Мэдээ, мэдээлэл



“RAILWAY MONGOLIA-2022” ҮЗЭСГЭЛЭНГ АМЖИЛТТАЙ ЗОХИОН БАЙГУУЛЛАА.

“ГТХЗНТ” УТҮГ нь “Инженер- ирээдүй” хөтөлбөрийн санаачлан олон ажлыг шат дараатай хэрэгжүүлж ирсэн билээ. Салбарын инженер, техникийн ажилтнуудыг дэмжих, урамшуулах, шилдэг инженер шалгаруулах ажлын хүрээнд 2019 онд 5 шилдэг инженерийг шалгаруулан, урамшуулж бутээлийг нь олон нийтэд сурталчлан ажиллаж байсан. “Railway Mongolia-2022” анхдугаар үзэсгэлэнгийн үеэр 2022 оны төмөр замын тээврийн салбарын бүтээн байгуулалтад оролцож шинэ технологи, шинэ бүтээл, шинэ санаа гаргаж шалгарсан шилдэг инженерүүдийг шалгаруулан урамшуулсан. “Шинэ технологи хэрэгжүүлэгч инженер” - “УБТЗ” ХНН-ийн Замын аж ахуйн албаны механик инженер Дагва овогтой Баатар, “Дохиолол холбооны төслийн инженер” -“Таван Толгой Төмөр Зам” ХХК-ийн Дохиолол холбооны төслийн инженер Мөнхнаасан овогтой Чүлтэмсүрэн, “Шилдэг тесэл хэрэгжүүлэгч инженер”-“Зүүнбаян Төмөр Зам” ХХК-ийн Төслийн мэргэжилтэн, төслийн ахлах мэргэжилтэн Санжжав овогтой Бямбажав, “Гүүр, хоолойн төслийн инженер” -“МТЗ” ТӨХК-ийн Хиймэл байгууламжийн инженер Эрдэнэбаатар овогтой Мөнхзолбоо, “Төмөр замын төслийн зургийн инженер”- “МТЗ” ТӨХК-ийн Зураг төслийн инженер, Бямбажав овогтой Золбаяр нар тус тус шалгарсан.




Мэдээ, мэдээлэл



Галт тэрэгний хөдөлгөөний нэгдсэн зурмагийн гүйцэтгэлд дүн шинжилгээ хийх, тайлан мэдээг танилцуулах

Суурь бүтэц хоорондын 2022 оны 3 дугаар улирлын галт тэрэг, вагон солилцооны биелэлтийн судалгаа, тайлан гаргаж галт тэрэг, вагон солилцоог сайжруулах талаар албан даалгавар өгч албан бичгээр суурь бүтцүүдэд хүргүүлсэн. Мөн зурмаг тасалдлын 2022 оны 09 дүгээр сарын тайланг, зурмаг тасалдлын 3-р улирлын тайланг, 2022 оны 3 дугаар улирлын "Төмөр замын тээврийн сүйрэл, осол, гологдолын мэдээ"-г гаргаж албан бичгээр төрийн захиргааны төв байгууллагад хүргүүлсэн. Галт тэрэгний хөдөлгөөний 2022-2023 оны өвлийн нэгдсэн зурмагийг батлуулж, суурь бүтэц эзэмшигчдэд албан бичгээр хүргүүлсэн. Нэгдсэн зурмагийн гүйцэтгэлд хилийн галт тэрэг солилцоо, суурь бүтэц хоорондын галт тэрэг солилцоо, хөдөлгөөний зурмагийн тасалдал, нүүрс, төмрийн худэр, зэсийн экспорт үзүүлэлтээр дүн шинжилгээ хийж, инфографик мэдээ бэлтгэж төвийн сайт болон олон нийтийн сүлжээнд байршуулан ажилласан.



Мэдээ, мэдээлэл




“Төмөр замын тээврийн аюулгүй байдалтай холбоотой зарим объект, үйл ажиллагаанд гэрчилгээ олгох, сунгах, түдгэлзүүлэх, сэргээх, хүчингүй болгох, нөхөн олгох, санал дүгнэлт гаргах, гэрчилгээжүүлэлтийн мэдээллийн сан үүсгэх, хөтлөх ажлыг хэрэгжүүлж байна

Гэрчилгээжүүлэлттэй холбоотойгоор тайлант хугацаанд төмөр замын тээврийн аюулгүй байдалтай холбоотой зарим объект, үйл ажиллагааг гэрчилгээжүүлэх хүсэлтийг 48 аж ахуй нэгж, байгууллага ирүүлсэн.

Хүсэлт ирүүлсэн иргэн, хуулийн этгээдийн хүсэлт дараах байдлаар шийдвэрлэгдсэн байдал



Зам тээврийн хөгжлийн сайдын 2022 оны 10 дугаар сарын 27-ны өдрийн A280, A281 дугаар тушаалын дагуу 12 аж ахуйн нэгжийн 27 ширхэг гэрчилгээг хэвлэн Төвийн захирлаар баталгаажуулан авч аж ахуйн нэгжүүдэд хүлээлгэн өгсөн. Тайлант хугацаанд ажлын хэсгийн хурлаар буцахаар шийдвэрлэсэн 2 аж ахуйн нэгжийн албан бичгийг боловсруулан батлуулсан бөгөөд “Тусгай зөвшөөрөл, гэрчилгээжүүлэлтийн цахим систем”-ээр буцаасан. Зам, тээврийн хөгжлийн Сайдын 2022 оны 10 дугаар сарын 07-ны өдрийн A267, 2022 оны 10 дугаар сарын 12-ны өдрийн A271 дугаар тушаалын дагуу 8 аж ахуй нэгжийн 86 ширхэг гэрчилгээг хэвлэн Төвийн захирлаар баталгаажуулан авч аж ахуйн нэгжүүдэд хүлээлгэн өгсөн. Гэрчилгээжүүлэлтийн мэдээллийн санг бүрдүүлж хөтлөн, Мэдээллийн ил тод байдал ба мэдээлэл авах эрхийн тухай хуулийн 7.1.8-д заасны дагуу гэрчилгээ олгосон хуулийн этгээдүүдийн мэдээллийг ЗТХЯ-ны ТЗДТБХЗГ-т 2022 оны 10 дугаар сарын 31-ны өдөр тайлагнасан.





Хөдлөх бүрэлдэхүүнд дугаар олгож, мэдээллийн нэгдсэн сан хөтөлж ажиллаж байна.

10 дугаар сарын 14-ний өдрийн 411 тоотоор “Овоо айл” ХХК-д түрээслэгчийн T22 код 50 хагас вагоныг, 412 тоотоор “Санкорп” ХХК-ийн Рославльскийн үйлдвэрээс линзингээр худалдан авч буй 52 тавцант вагоныг, 10.20-ны өдрийн 422 тоотоор “Тонж логистик” ХХК-ийн түрээсийн 48 хагас, 10.25-ны өдрийн 429 тоотоор 2 хагас вагоныг, 428 тоотоор “Бэст даймонд” ХХК-д түрээслэгчийн T23 код, түрээсийн 22 хагас вагоныг хөдлөх бүрэлдэхүүний мэдээллийн санд бүртгэсэн. Хөдлөх бүрэлдэхүүний мэдээллийн сангийн шинэчлэлтэй холбоотойгоор ачааны вагоны мэдээллийг системийн шинэ өгөгдлийн дагуу боловсруулан ажиллаж байна.



ЗАМ ТЭЭВРИЙН ХӨГЖЛИЙН ЯМ
Галт тэрэгний хөдөлгөөн
зохицуулалтын нэгдсэн төв

МЭДЭЭЛЛИЙН САНД БҮРТГЭГДСЭН ХӨДЛӨХ БҮРЭЛДЭХҮҮНИЙ МЭДЭЭЛЭЛ (10 дугаар сар, өссөн дунгээр)

№	Хөдлөх бүрэлдэхүүний төрөл	Худалдаж авсан	Түрээсийн	Нийт
1	Зүтгүүр	-	-	177
2	Машин механизм	-	-	71
3	Зорчигчийн вагон	-	-	260
4	Хагас вагон	-	122	6491
5	Өөрч.то вагон	-	-	472
6	Тавцант вагон	-	102	2385
7	Думпкар вагон	-	-	82
8	Цистерн вагон	-	-	335
9	Битүү вагон	-	14	457
10	Хоппер вагон	-	-	411
11	Ледник	-	-	6
12	Дозатор	-	-	137
НИЙТ		-	238	11284



Газар бизнес төвийн байр,
Тээвэрчдийн гудамж,
2-р хороолол, 1-р хороо,
Баянгол дүүрэг, 16052,
Улаанбаатар хот, Монгол улс

